

止齋先生文集

一

止

江苏工业学院图书馆  
藏书章

文

集

四部叢刊集部

上海涵芬樓借印  
吳興劉氏嘉業堂  
藏明弘治刊本板  
高營造尺六寸七  
分寬四寸五分

止齋先生文集序

先生稟抱天穎研盡學力據  
會執九經百家之轡俾環嚮以趨于  
一披剔文義躡藉衆糾寃明帝王經  
術宏模而放于秦漢以下治亂興衰  
之故獨揭源要而不牽多岐由是彰往  
考來點察當世至平之機深抱大業  
至於化裁推衍不動聲色使人回心



而嚮道者其綱領條自靡不該具蓋  
嘗忘寢廢食寧玩孰復庶幾對越天  
地百世以俟後聖而不惑也雖言論  
未卒幾進輒沮而志念回皇與物委  
蛇左推右挽旁接廣誘其任重道遠  
終老未嘗一日敢忘於斯焉嗚呼盛  
矣鄒魯之統緒河洛之承續子載以  
來不知其能幾見也執經戶外方屨

蘭集片言落華傳誦震響塲屋相師  
而紹興之文丕變則聲於隆興之癸  
未屏居梅潭危坐覃思超詣絕軌學  
成道尊則邃於乾道之丁亥博交遍  
驗洞礙斯室對策初第懇蓋獨到則  
盛於乾道之壬辰官太學倅閩府詆  
劾却掃勤寸寒暑紬繹文獻宏綱具  
舉則備於淳熙之丁未起守桂監持

節湖南疏滌枵摩民信有古百年之  
思鬱乎湘山則驗於紹興之庚戌召  
對光宗驟遇獎用侍立代言贊綢繆  
邸次第蘊畫庶將敷揮則著於紹熙  
之癸丑寃轉極諫徬徨乞身龍飛急  
召十旬乃罷爰抒舊志著于訓傳疾  
疾漸臻梁木竟殞則終於嘉泰之癸  
亥叔遠夙蒙挈策俾窺津涯蒿幹鷁

羽場負大賜適當新義川漲群文帽  
興疇昔想析而致孤條之靡鬱砥途  
之失榛乎是用敦輯遺稿寄諸琬琰  
僅聞後哲庶弗淪墜矧韋布眩墓影  
嚮編傳或溫紉作或雜真贗詭題叢  
帙誕弥避陟輪耀掩污理合釐別故  
今裒次斷自梅潭丁亥之後凡為款  
辭古律詩內外制奏狀劄子表啓書

簡府記雜著祭文墓志行狀總五十  
一卷即先生遊坐之齋以爲集名若  
成書則有讀書譜二卷春秋後傳十  
二卷左氏章指三十卷周禮進說三  
卷進讀藝祖皇帝實錄一卷未脫稿  
則有詩訓義周漢以來兵制皇朝大  
事記皇朝百官公卿拜罷譜皇朝財  
賦兵防秩官志藁別自爲編附識其

目庸熄淆亂先生名傳良字君舉世  
系庶官具見于神道碑墓志銘仍狀  
云嘉定戊辰門人承直郎太學博士  
曹叔遠謹序

心齋集

四

卷之四

止齋陳先生文集序

儒者之所難曰德曰功曰言而已三者  
克具斯為儒者之盛遠而有以恢弘魯  
鄒所傳之緒近而有以昭闡濂洛未啓  
之機尚論其世有足徵者此止齋陳文  
節公所以不可及也公少以斯文為己  
任強學篤志弗得弗舍其從鄭景望薛  
季宣也以克己兢業為要其友張欽夫

呂伯恭也則交致夫持敬集義之功涵  
養於致知之際躬行於自得之餘剛毅  
樂易孝友恭肅融澈混成莫測涯涘是  
能立德者矣其教人也誘掖不倦四方  
景從士習丕變隨才有造其仕於外也  
事無細鉅一裁以義勸善革奸縮用溥  
利卓越之績傳不絕書其在朝也正色  
讜論直前極陳扶翊大政匡持君德欲

進忠賢則黃晃仲朱元晦之遷改不與  
書行欲摧權奸則率逢原張子仁陳源  
之除目繳駁論奏苟裨社稷奮不顧身  
是能立功者矣讀書有譜六經有論建  
隆有編毛詩有解詁春秋有後傳左氏  
有章指周禮有進說制詁有集皇宋有  
大事記進讀有藝祖實錄周漢以來有  
兵制著書明道簡冊充棟是能立言者

矣功在人德言在己三者相須以為用  
者也瓚幸生公之鄉屢嘗誦讀遺文而  
私淑之茫乎如陰陽之闔闢也浩乎如  
河海之潤滴也燦乎如日星之炳耀也  
油乎如風雲之流行也雄偉而不放精  
深而不晦馳軼而不迫起伏歛縱愈出  
愈駛引古質今滌冗為新錯綜萬務體  
悉人情而歸宿于至理蓋不獨繩矩之

具而精粗隱顯皆可以適天下之用自有文字以來學士大夫竦企傾動固其時乎非有本者其孰能之公淹貫六經包括百氏洞徹天人之奧而於歷代經制大法與夫當世制度沿革失得之故稽驗鈎索委曲該洽此豈汎然雕飭以驚於虛言者也公文散載于群書遐陬寡陋未見有統彙為全帙者瓚近於

秘閣錄出公集五十二卷則向所嘗誦  
讀者百無一二存焉蓋曹公所編止自  
梅潭丁亥之歲而他作不入也弘治乙  
丑侍御史同年澤州張君伯純往巡浙  
中因論鄉哲而於公尤致嚮慕瓚遂出  
示公集伯純喜曰璉求公文久矣而莫  
獲見之是行未廣也請得梓之以傳且  
欲彙拾散逸以為外集伯純積學善文